

Uunga siunnersuut: Suliniutit annertuut sanaartornerisa nalaanni nunanit allamiut najugaqalernissamut sulinissamullu akuerineqarsinnaanerit pillugu Kalaallit Nunaannut Inatsisip Kalaallit Nunaannut atuutilernissaa pillugu oqaaseqaateqarnissamut Inatsisartut aalajangiinissaanut siunnersuut

Akissutitut allakkiaq

(Inuussutissarsiornermut Aatsitassaqaqarnermullu Naalakkersuisoq)

Aappassaaneerera

Aalajangiussassatut siunnersuummik ataatsimiititaliap oqaluuserinnissimanerannut Naalakkersuisut qutsaviginnipput.

Siunnersuutip akuersissutiginiinissaanut ataatsimiititaliap isumaqatigiillutik innersuussinerat Naalakkersuisut assut pingaartippaat. Tamanna naalagaaffeqatigiinni suliniutini angisuuni nunanit allanit aningaasaliisoqarnissaanut pitsaasunik sinaakkutissanik pilersitsinissaq pillugu isumaqatigiittoqarneranik nunarsuarmut avatangiisumut nalunaaruteqaqataavoq.

Inatsisissatut siunnersuummi oqaaseqaatini suliniutinut angisuunut atatillugu najugaqarnermut sulineramullu akuersissutit nalunaarutigineqartarnerannut, aammalu aatsitassat immikkut ittut aalajangersimasut piiarneqarnissaat pillugu apeqqutinut tunngatillugu ajornartorsiutaasumik ataatsimiititaliap isumaliutissiissutaa isumaginnippoq.

Pissutsinut illersornissamut isumannaallisaanermullu politikkimut tunngasunut apeqqutit allatut iliuuseqarnikkut allanullu atassuteqartillugit paasineqartariaqarnerannik ataatsimiititaliap isumaqarneranik Naalakkersuisut paasisinnaavaat.

Tamanna ilutigalugu inatsisissatut siunnersuutip maannakkut Folketingip ataatsimiinnerani saqqummiunneqarsinnaanera Naalakkersuisunut pingaaruteqarsimavoq.

Taamaattumik ataatsimiititaliap kaammattuutigisaa Naalakkersuisut akueriumavaat aatsitassanillu suliassaqarfimmi suliniutinut angisuunut atatillugu inatsisartuni marlunni ataqatigiissitamik isumaginninnissap pisariaqalerfiani piffissap naammattup piginissaa pisariaqartitatut annertussuseqartoq isumannaarlugu naalagaaffiup aamma Naalakkersuisut akornanni aatsitassanik suliassaqarfimmi paasissutissanik paarlaateqatigiittarnissamik sulissuteqarusupput.

Taamatut oqaaseqarnikkut aalajangiussassatut siunnersuutip inaarutaasumik akuersissutigineqarnissaa innersuussutigineqarpoq.